


1005
14
4



1005
14
4

史記卷之二

蒙中迂史著

○魏書

序紀

托跋

黃帝二十五子其昌意少子受封北土黃帝以土

德王北俗謂土為托謂信為跋故號托跋氏

推寅賦跋

托跋氏始居匈奴地其遠漢東略黃山宣統二

史夷語音義卷之二

環中迂叟著

○魏書

序紀

托跋

黃帝二十五子其昌意少子受封北土黃帝以土
德王北俗謂土為托謂后為跋故彌托跋氏

推寅

寅弋之切音移

托跋氏始居匈奴故地其遷徙策略多出宣獻二



帝故部衆稱二帝曰推寅蓋取鑽研之義

高祖紀

閉房記

太和九年詔曰圖讖之興起于三季既非經國之典徒為妖邪所憑自今圖讖秘緯及名為孔子閉房記者一皆焚之留者以大辟論閉房記如俗稱推背圖之類

庫莫奚名馬

庫式夜切音赦

庫莫奚國獻名馬有一角狀如麟

孝莊紀

噉

噉於葉切音楸達唐刺切音達

噉國獻師子噉噉即悒怛師古云噉噉本虜複姓因為國號後訛為悒怛耳

悒乙及切音邑怛常割切音姪

列傳

源賀

秃髮儔檀為乞伏熾盤所滅儔檀子破羗奔魏世祖曰卿與朕同源即賜姓源更名賀

鐵弗

鐵弗劉虎南單于之苗裔也北俗謂胡父鮮卑母者為鐵弗因以為號一云鐵弗即鐵伐音訛轉耳虎一名烏路孤

莫賀郎

吐谷渾有子六十人長子吐延生子十二人其少子葉延以王父字為氏遂姓吐谷渾葉延子碎奚不能攝事立其子視為世子自號曰莫賀郎莫賀郎者華言父也

恪尊

吐谷渾後裔曰夸呂自號為可汗號其妻為恪尊恪尊者華言夫人也

羊刺

刺盧達切音粹

高昌有羊刺草草上生蜜而味甚佳按梁四公記云高昌國遣使貢刺蜜帝命杰公進之謂其使曰刺蜜鹽城所生非南平城所生使者不能諱帝問杰公對曰南平城刺蜜色白味甘鹽城色青味薄是知其偽也又本草云胡人呼刺蜜為給敦羅

阿暮

阿段

阿夷

阿等

獠者南蠻之別種居山谷無氏族名字所生男女
惟以長幼次第呼之丈夫稱阿暮阿段婦人稱阿
夷阿等之類皆次第稱謂也

媿隅 附錄

劉義慶世說新語云郝隆為桓溫南蠻參軍三月
二日會作詩云媿隅躍清池桓問媿隅是何物隆
曰蠻名魚為媿隅桓曰作詩何以作蠻語隆曰千
里投公始得蠻府參軍那得不作蠻語也

鬼鼓

徐俗畏鬼神尚淫祠殺人有美鬚髯者必剝其面
一皮籠于竹而乾之號曰鬼鼓舞祀以求福

白龍堆

鄯善國都杆泥城城北土阜十數名為白龍堆其
堆蜿蜒如龍身無頭有尾高大者二三丈卑者丈
餘皆東北向形相似

臭膏川

龜茲國西北大山中有如膏者流出成川數里入
地如飴餈甚臭服之齒髮已落者復生病人服之

皆愈

龜去鳩切音丘
茲疾之切音慈

疏勒袞裳

魏高宗末年疏勒王遣使送釋伽牟尼佛袞裳長
二丈餘高宗云果是佛衣應有靈異置猛火上燒
之經日不然

石流黃

悅般國其先匈奴北單于之部落國南界有火山
山旁石皆焦鎔流地數十里乃凝堅人取為藥即
石流黃也

小牙

波斯國都宿利城古條支國也國內有小牙十餘
所小牙猶言離宮也每年四月王出遊處之七月
乃還

波斯稱謂

國人稱王為醫贊稱王之妃為防步率稱王之諸
子為殺野贊才割切音卒

波斯官職

大官曰模胡壇掌國內獄訟曰泥忽汗掌庫藏曰

開禁地早掌文書及衆務其次曰遏羅訶地掌王之內事曰薛波勃掌四方兵馬各有屬官分理之懸度

阿鈞羗種也國西有懸度山其間四百餘里徃徃有棧道下臨不測之淵人行以繩索相持而度因名懸度

郁久閭

蠕蠕姓郁久閭氏初神元時有掠騎得一奴髮始齊眉不知姓名其主呼曰木骨閭木骨閭者首禿

也木骨閭與郁久閭聲相近故子孫因以為姓木

骨閭子車鹿會始有部衆自彌柔然世祖改其彌

為蠕蠕後周書稱茹茹

蠕汝朱切音儒茹人諸切音如

丘豆伐 藹苦蓋 牟汗紇升蓋 救連 處 羅

步貞 伏古敦 候伏代庫者 他汗 豆羅伏跋

豆伐 彌偶可社句

蠕蠕社論攻并小國始自彌丘豆伐可汗丘豆伐者華言駕馭開張也可汗猶匈奴單于也社論死弟斛律立彌藹苦蓋可汗華言姿質美好也斛律

為兄之子步鹿貞所執社喻季父僕渾之子大檀
殺步鹿貞而自立彌牟汗紇升蓋可汗華言勝制
也大檀死子吳提立彌救連可汗華言神聖也吳
提死子吐賀貞立彌處可汗華言唯也吐賀貞死
子予成立彌受羅步貞可汗華言惠也予成死子
豆喻立彌伏古敦可汗華言恒也豆喻殘暴國人
殺之立豆喻牀父那蓋彌候伏代庫者可汗華言
悅樂也那蓋死子伏圖立彌他汗可汗華言緒也
伏圖為高車王彌俄突所殺子醜奴立彌豆羅伏

跋豆伐可汗華言彰制也醜奴為大臣所殺其兄

婆羅門立彌彌偶可社句可汗華言安靜也

可烏合切

音搯汗胡安切音寒蓋胡臘切音合敦徒渾切音豚那諾何切音難句舉朱切音俱庫武夜切音赦

候婁匄勒

匄房六切音伏又蒲北切音燭候倍

高車之族十二部惟副伏羅部最强盛其酋長阿
伏至羅與從弟窮奇各領眾十餘萬自立為王國
人稱阿伏至羅曰候婁匄勒華言大天子也稱窮
奇曰候倍華言儲王也

官氏志

鳧鴨 白鷺

魏初官制不依周漢舊名或取諸身或取諸物或以民事皆擬遠古雲鳥之義諸曹走使謂之鳧鴨取往迴迅速也以伺察者為候官謂之白鷺取其延頸遠望也餘官之義皆類此

烏丸 騏驎官

諸方雜人來附者總謂之烏丸各以多少稱酋庶長分為南北二部各設大人統之其宿直殿省者謂之騏驎官

釋老志

浮屠

天竺浮屠一曰浮圖正彌曰佛陁胡音訛也華言譯為淨覺

沙門比丘僧

息心脩淨謂之沙門又曰桑門沙桑聲相近行乞自給謂之比丘總謂之僧也僧譯為和命衆

涅槃 舍利 塔

釋迦佛四十九歲涅槃譯為滅度佛既涅槃以香

本焚尸靈骨分碎大小如粒擊之不壞焚亦不焦
或有光明神驗謂之舍利佛弟子收舍利置建宮
宇謂之塔塔者猶華言宗廟也

鳩摩羅什

鳩摩羅三字姓什其名也姚興尊信稱為國師按
晉書載記呂光有道士句摩羅耆婆又云耆婆即
什之別名也句音勾勾摩羅蓋鳩摩羅之訛耳天
竺稱佛弟子為道士

○北齊書

武成紀

靺鞨

靺莫撥切音末
鞨居竭切音計

太寧二年靺鞨遣使朝貢靺鞨即靺鞨胡也

胡靺

葛切
音褐

列傳

破六韓

破六韓常字保年匈奴單于之後初匈奴右谷蠡
王潘六奚沒于魏子孫以潘六奚為氏領部落後
人訛呼為破六韓云常其名也

○後周書

文帝紀

宇文

太祖文皇帝姓宇文氏其先居朔野有葛烏菟者
總領鮮卑十二部落世為大人後有普回者因狩
得玉璽三紐有文曰皇帝璽普回心異之以為天
授其俗謂天為宇謂君為文因號宇文國并以為
氏

磨敦

通鑑黃三省注云宇文氏稱母為磨敦

拔也惡蚝

惡哀都切音烏
蚝七自切音次

拔也複姓其先與斛律同祖烏拔也部後以為氏
惡蚝其名為太祖鎮南秦州

明帝紀

統萬突

明帝太祖長子小名統萬突母姚夫人生帝于統
萬城因以名焉突語助辭

列傳

豆盧

豆盧寧字永安徒何人其先姓慕容乃前燕廐之
支庶也寧高祖慕容勝降于魏授長樂郡守魏人
謂歸義為豆盧乃賜姓豆盧氏

賀若

若人若切音惹

賀若敦代人先世降于魏魏人謂忠正為賀若乃
命敦以賀若為氏

若干

若人若切音若

若干惠字惠保武川人其先與魏並起以國為姓

庫狄

庫狄峙其先姓段氏徒何段四殫之裔也峙避難
改庫狄氏

異域傳

高麗官司

大官曰大對盧次曰太太兄曰大兄曰小兄曰意
侯奢曰太大使者曰大使者曰小使者曰褥奢曰
翳屬曰仙人曰褥薩凡十三等分掌内外事

侯渠切

音奇

骨蘓

高麗呼冠曰骨蘓以紫羅為之雜以金銀為飾其有官品者插二鳥羽以顯異之

韃吉支

於陸於哀都切音烏

百濟夫餘之別種一名於羅瑕其主號韃吉支猶華言王也妻號於陸猶華言妃也

百濟官品

左平一品達率二品恩率三品德率四品扞率五品柰率六品將德七品施德八品固德九品季德

十品對德十一品文督十二品武督十三品佐軍十四品振武十五品克虞十六品各有部司分掌眾務又內官有穀部馬部刀部藥部等凡十二部外官有點口部日官部客部綢部等凡十部

突厥

匈奴別種姓阿史那氏其先世部族為鄰國所滅遺一兒十歲剛足棄草澤中有牝狼以肉飼之及長與狼合狼負至高昌國山穴中生十男各為一姓阿史那其一也阿史那臣于茹茹居金山之陽

為茹茹鐵工金山形如兜鍪其俗謂兜鍪為突厥
因以為彌

土門

土同都切音徒
門母官切音瞞

可賀敦

可口答切音榼
敦徒渾切音豚

土門突厥之裔部眾稍盛自彌伊利可汗彌其妻
為可賀敦可賀敦者華言夫人也

突厥世官

突厥置官大者曰葉護次曰沒次曰特勒次曰俟
利發次曰吐屯發自此以下至于小官凡二十八
等皆世為之

附離

突厥旗纛之上施金狼頭侍衛之士彌為附離附
離者華言狼也蓋本狼生志不忘舊

勃登凝黎

突厥可汗之地有都斤山其山高峻上無草木其
俗呼為勃登凝黎猶華言地神也

高昌官司

官有令尹一人比中國宰相次有公二人皆其王
子也一曰交河公一曰田地公有左右衛次有吏

部祠部庫部倉部主客部禮部民部兵部八長史
次有建武威遠陵江殿中伏波等將軍次有八司
馬長史之副也次有侍郎校書郎主簿從事階位
相次分掌諸事次有省事專掌導引又十六城各
有戶曹水曹田曹每城遣司馬侍郎相監檢校名
為城令

○隋書

文帝紀

普六茹 揜干

高祖文皇帝姓楊氏名堅父忠從周太祖起義關
西賜姓普六茹氏普六茹宇文部之貴族也後周
書云楊忠小名奴奴從太祖狩於龍門忠獨當一
猛獸左挾其腰右拔其舌太祖壯之北地謂猛獸
為揜干因命忠以揜干為字

東夷傳

苗氏

百濟八大姓沙氏燕氏勃氏解氏負氏國氏木氏
苗氏唐書苗作苜編海云苜音葩百濟姓也是知

苗字誤

嘉胡頰切音協
又力協切音峽

干

新羅官十七等其一曰伊罰干貴如相國次伊尺
干次迎干次破彌干次大阿尺干次阿尺干次乙
吉干次沙出干次及伏干次大柰摩干次柰摩干
次大舍干次小舍干次吉土干次大烏干次小烏
干次造位干梁書新羅官彌旱支此稱干者夷音
轉也

大莫弗瞞咄

瞞摸本切音憫
咄當沒切音咄

靺鞨各部渠帥之彌唐書瞞作瞞傳錄有誤漫

可老羊 多拔茶

流求居海島中王姓歡斯氏名渴利甕國人呼其

王為可老羊華言主也妻彌多拔茶華言妃也

宋史作
琉球

鳥了帥

鳥都了
切音拘

流求諸洞有小王徃徃有村各村長皆彌鳥了帥
以善戰者為之其俗謂善戰為鳥了

阿鞞雞彌

倭王姓阿每氏字多利思比孤彌阿輩雞彌王妻
彌雞彌太子彌利歌彌多弗利倭烏禾切
字同倭

軍尼 伊尼翼

倭有軍尼百二十人猶中國邑令也每八十戶置
一伊尼翼猶中國里長也十伊尼翼屬一軍尼

南蠻傳

西那婆帝

那諾何薩切音難

婆地歌

薩桑割切音撒

林邑二尊官也比中國左右丞相各有屬官三等
曰倫多姓次歌倫致帝次乙地伽闌其外官二百

餘部長官曰弗羅次曰可輪猶華言今丞也

赤土

在南海中所都土色多赤因以名國置官薩陀迦
羅一人挈達又二人迦利蜜迦三人共掌政事俱
羅末帝一人掌刑法每城置那邪迦一人鉢帝十
人理城事迦古牙切音加又初牙切音差

刹利質多斯羅

貞臘在林邑西南王姓刹利氏名曰質多斯羅有
五大臣一曰孤落支二曰高相憑三曰婆何多陵

四曰舍摩陵五曰髯多婁

貞臘樹名

貞臘有婆那娑樹無花葉似柿實如冬瓜有菴羅樹花葉似棗實似李有毗野樹花似木瓜葉似杏實似楮有田婆羅樹花葉實並似棗而小異有歌畢佗樹花似林檎葉似榆而厚且大實似李

陵伽鉢婆

伽求迦切音茄

貞臘山名在都城外有神祠其神彌婆多利國人嚴祀之

護濫那婆

濫魯甘切音藍

婆利國王名也姓刹利邪伽氏其大臣曰獨訶邪

孃次曰獨訶氏孃

訶虎何切音阿孃女加切音孃氏章移切音支

西域傳

阿脩羅神 烏卜

女國在葱嶺南以女為王故名女國葱嶺以葱多得名女國俗祀阿脩羅神阿脩羅譯為非天神也又有樹神歲初祭畢入山祝之有一鳥如雌雉來集掌上破其腹視之有粟則年豐沙石則凶災謂

之鳥卜

攝圖更彌 稱臣

突厥攝圖統領東面之時彌爾伏可汗其後國人
以攝圖為賢迎立為國主更彌伊利俱盧設莫何
始波羅可汗其致書云從天生大突厥天下賢聖
天子伊利俱盧設莫何始波羅可汗致書大隋皇
帝高祖報書云大隋天子貽書大突厥乙利俱盧
設莫何沙鉢略可汗乙利即伊利沙鉢略即始波
羅聲之轉也隋遣大臣虞慶則往諭沙鉢略稱臣

沙鉢略問其屬曰何名為臣對曰隋國稱臣猶此
稱奴可沙鉢略曰得為大隋天子奴虞僕射之力
也

○北史

四夷傳

朱蒙

東夷謂善射為朱蒙昔夫餘王嘗得河伯女閉於
室內為日所照引身避之日影復逐遂有孕生一
卵大如五升母置暖處破出一男及長善射雖一

矢殪獸甚多故名朱蒙夫餘之臣欲殺之朱蒙避
難道遇大水得魚鼈成橋以渡遂至紇升骨城居
焉彌高句麗以高為氏

東明 仇台

初索離國王出行有侍兒在國懷娠王還欲殺之
侍兒曰前見天上有氣如雞子來降故有娠王捨
之後生男王置之豕牢豕以口氣噓之不死徙於
馬闌亦如之王以為神命養之名曰東明及長善
射王忌之東明逃至淹滯水以弓擊水魚鼈成橋

遂得渡至夫餘而居漸得百家故彌曰百濟其後
有仇台者始立國于帶方故地遂為強國帶方漢
郡名也按高麗百濟二國之祖其生詭異又皆魚
鼈成橋濟難或夷人設此誑語以欺中國史書載
而不削何也

勿吉從太山

勿吉國即靺鞨國其國南有從太山

唐書作徒太

從太

華言太白也國人敬畏之不得山上洩汚凡行經
山者欲洩則以器盛去山有猛獸不害人人亦不

敢殺

奚五部

奚本庫莫奚唐書作庫負奚其先東胡宇文別種
 為慕容晃所破遺種竄匿松漠間魏末種類漸多
 分為五部一曰辱紇主二曰莫賀弗三曰契箇四
 曰本昆五曰室得每部俟斤一人為其帥隋時去
 庫莫彌曰奚契立渴切音揭
 俟渠羈切音其

室韋五部

室韋一作失韋東魏時分為五部曰南室韋北室

韋鉢室韋大室韋深末怛室韋深末怛水名也其
 後南室韋分為二十五部北室韋分為九部

餘莫弗瞞咄音見前

南室韋二十五部各酋長之號

乞引莫賀咄 莫何弗

北室韋九部各酋長號乞引莫賀咄每部又置莫
 何弗三人以佐之

青海驄

青海之中有小山每冬水合後以良牝馬置山上

來春牧之馬皆有孕所生駒曰龍種吐谷渾嘗得波斯草馬放入海因生驄駒日行千里彌青海驄熱風

且末國在鄯善國西且末西北有流沙數百里夏日有熱風為行旅之害風將至惟老駝先知之即埋口鼻于沙中人每以為候即將氈擁鼻口其風迅速須臾過盡若不妨者必至危斃

異鳥

伏盧尼國在波斯國北累石為城城東大河有鳥其形似人或似橐駝牛馬皆有翼常居水中出水即死

雀離佛圖

乾陀在烏菴西本名業波為嚙噠所破因改彌乾陀所都城東南七里有佛塔高七十丈周三百步彌為雀離佛圖

○唐書新書視舊書稍異

高祖紀

莫賀咄設咄苾

頡利

突厥處羅可汗謀大舉入寇而卒立其弟莫賀咄
設咄苾彌頡利可汗突厥別部典兵者皆曰設猶
華言軍官也莫賀咄乃其設之號咄苾其名也先
為部酋莫賀咄設今立為可汗號頡利云

稽胡

稽古奚切音雞

上命皇太子伐稽胡即步落稽也

太宗紀

鬱督軍

山名也負珠毗伽可汗建牙於大漠鬱督軍山一

作乞督軍山李勣傳又作烏德鞬山

天可汗

四夷君長詣闕請上為天可汗上曰我為大唐天
子又下行可汗事乎是後以璽書賜西北君長皆
稱天可汗

沙鐸羅

蘓失尼

李靖伐突厥頡利可汗敗走往依沙鐸羅設蘓失
尼部落蘓失尼執頡利來降沙鐸羅部設之號蘓
失尼部設之名也

朱俱波

朱俱波遣使入貢朱俱波一作朱俱槃一作朱駒
半一作朱駒波音轉也即漢子合國

列傳

泉男生

姓泉名男生字元德高麗蓋蘓文之子也蓋蘓文
一號蓋金自云生水中以感人故改稱泉氏生男
九歲以父任為先人遷中裏小兒猶中國謁者之
職又為中裏大兄知國政進中裏位鎮大兄久之

為莫離支兼三軍大將軍加大莫離支出按諸郡
而弟男健知國政矯命殺男生子獻忠男生懼率
衆內附授遼東大都督先人後周書作仙人位鎮
大兄即太大兄莫離支即對盧大莫離支即大對

盧也

蓋吐盍切音榻或作古沓切音
合非也漢蓋寬饒之蓋音合

達率 風達

果齒常之百濟西部人果齒複姓常之為百濟達
率兼風達猶華言刺史也龍朔中入朝授左領軍
將軍澤州刺史屢破吐蕃封燕國公

突厥傳

可敦

突厥妻號後周書作可賀敦

特勤

突厥子弟之號

葉護

突厥大臣曰葉護其次曰屈律啜曰阿波曰俟利

發曰吐屯曰俟斤曰閻洪達曰頡利發曰達干凡

二十八等皆世其官而無員限

啜殊雪切音綴又之芮切音贊

西突厥

土門伊利可汗之次子名室點蜜一曰瑟帝米瑟

帝米之子曰達頭可汗一曰步迦可汗始與東突

厥分烏孫故地而有之號西突厥

吐蕃傳

鶻提勃悉野

吐蕃本西羗屬蓋百有五十餘種散處河湟江岷

間有發羗等居析支水西祖曰鶻提勃悉野并諸

羗據其地羗語鶻提轉為吐蕃聲相近故其子孫

彌吐蕃而姓勃悉野氏悉二作寧或云南涼秃髮
烏孤之後吐蕃秃髮之訛也

贊普 蒙末 末莫貝切音昧

羗人謂彊雄為贊謂丈夫為普故吐蕃號君長曰
贊普彌贊普之妻曰蒙末

尚論掣逋突瞿 尚市羊切音常論力迪切音綸掣尺制切音滯不音徹

吐蕃官有大相曰論准副相曰論准扈莽各一人
亦彌大論小論有都護一人曰悉編掣逋又有內
大相曰曩論掣逋亦曰論莽熱內副相曰曩論

零逋內小相曰曩論充谷一人又有整事大相曰
喻寒波掣逋副整事曰喻寒波覓零逋小整事曰
喻寒波充皆任國事總彌曰尚論掣逋突瞿 薩諸市切

音止又倉宰切音采

拂廬

吐蕃贊普聯毳帳以居彌大拂廬容數百人衛候
甚嚴而牙甚隘部人處小拂廬

回紇傳

藥羅葛

回紇姓也本鐵勒部種鐵勒部散處碭北凡十有五種其一曰袁紇亦彌烏護又彌烏紇至隋彌韋紇臣于突厥大業中突厥攻鐵勒部責其財韋紇乃率僕骨同羅等種叛去自爲俟斤改彌回紇唐開元中回紇漸盛并胡咄葛等十一姓地置都督彌十一部落袁紇北史作表紇字誤

回鶻

鶻古忽切音骨又戶骨切音骨又胡括切音骨

建中五年回紇可汗上書請易回紇曰回鶻言捷

鶻猶鶻鳥也

黠戛斯

黠胡戛切音鎡戛古鎡切音結

國在回紇西北卽古堅昆地一曰居勿一曰結骨

一曰紇圻斯蓋李陵之裔其君曰阿熱官有宰相

都督職使長史將軍達干六等宰相七人都督三

人職使十人皆典兵長史十五人將軍達干無定

負景龍中入朝乾元中回鶻攻破之以阿熱爲毗

伽頓頡斤訛稱紇圻斯爲黠戛斯或曰回紇謂黃

赤面爲黠戛斯故以爲阿熱之彌圻戶骨切音汨

注吾合素

注吾虜姓合素名也黠戛斯阿熱見回鶻稍哀即
自稱可汗攻破回鶻得太和公主遣使者送公主
還朝回鶻烏介可汗邀取之并殺使者會昌中阿
熱復遣注吾合素上書言狀虜謂猛為合左為素
合素者言其人猛武善左射故以為名合素行三
歲至京師武宗冊阿熱為英武誠明可汗

沙陀傳

處月

沙陀者西突厥別種處月種也西突厥大酋乙毗

咄陸可汗居斡曷山之西彌北庭而處月等部屬
之處月居金婆山之陽蒲類海之東有大磧名沙

陀彌沙陀突厥斡音似面切音羨

北狄傳

契丹契苦孽切音典又其謁切音竭

東胡鮮卑種魏青龍中部酋軻比能為幽州王雄
所殺衆遂微迺居潢水之南黃龍之北元魏時酋
長自彌契丹

室韋

契丹別種蓋丁零苗裔也韋其皮為室故以為彌
國無君長惟大酋皆彌莫賀咄攝管其部而附於
突厥分為二十餘部

黑水靺鞨

居古肅慎地一名挹婁元魏時彌勿吉人唐分南
北十六部落其酋長皆彌大莫拂瞞咄

音見前

渤海國

本粟末靺鞨部種粟末水名即涑沫江也因居以
為彌其酋姓大氏有名乞乞仲象者武后封為震

國公其子祚榮自彌震國王肅宗寶慶元年詔以
渤海為國

可毒夫

渤海稱其王曰可毒夫又曰基王之父曰老王母
曰太妃妻曰貴妃長子曰副王諸子曰王子王之
命曰教

渤海官

有宣詔省左相左平章事侍中左常侍諫議居之
中臺省右相右平章事內史詔誥舍人居之政堂

省大內相一人居左右相之上左右司政各一人
居左右平章事之下以比僕射左右光祿二丞左
六司忠仁義部各一卿居司政下支司爵倉膳部
部有郎中員外右六司智禮信部支司戎計水部
卿郎準左以比六官中正臺中正一人比御史大
夫居司政下又有少正一人其殿中寺宗屬寺寺
有大令少令文籍院有監有少監太常司賓大農
寺寺有卿司藏司膳寺寺有令丞胄子監有監長
巷伯局有常侍等官其武員有左右猛賁熊衛南

左右衛北左右衛各大將軍一人將軍一人大抵
倣中國制度

五京 獨奏州

渤海五京十五府六十二州以肅慎故地為上京
曰龍泉府領龍湖渤三州其南為中京曰顯德府
領盧顯鐵湯榮興六州獺貊故地為東京曰龍原
府亦曰柵城府領慶鹽穆賀四州沃沮故地為南
京曰南海府領沃晴椒三州高麗故地為西京曰
鴨渌府領神桓豐正四州曰長嶺府領瑕河二州

扶餘故地為扶桑府領扶仙二州鄭頡府領鄭高
二州挹婁故地為定理府領定潘二州安邊府領
安瓊二州率賓故地為率賓府領華益建三州拂
涅故地為東平府領伊蒙沱果比五州鐵利故地
為鐵利府領黃汾蒲海義歸六州越喜故地為懷
遠府領達越懷紀富美福邪芝九州安遠府領寧
郿慕常四州又有郿銅涑三州為獨奏州不屬府
獨奏州者猶華言直隸州也

東夷傳

鴨涑

高麗有馬訾水出靺鞨之白山色若鴨頭彌鴨涑
水西與鹽難水合西南入于海涑一作綠

吐粹粹慈卹切音萃
又倉沒切音粹

高麗官曰吐粹一稱大對盧曰鬱折掌圖簿曰太
大使者曰頭大兄秉國政曰大使者曰大兄曰上
位使者曰諸兄曰小使者曰過節曰先人曰古鄒
大加凡十二級先人後周書作仙人

莫離支

蓋蘓文自為莫離支莫離支者猶華言兵部尚書
中書令也

神隧

高麗多淫祠國左有大穴彌曰神隧每歲十月王
自祭之

佐平

百濟有內臣佐平宣納號令內頭佐平主帑聚內
法佐平主禮衛士佐平典衛兵朝廷佐平主獄兵
官佐平掌外兵

骨

新羅建官以親屬為上其族分第一骨第二骨以
為別官有宰相侍中司農卿大府尹凡十有七等
和白

新羅第二骨得為之事必與眾議號為和白有一
人異議則止

本率

日本郎倭奴在海島中小島五十餘皆自名國而
臣附之置本率一人檢察諸部其官十有二等咸

亨三年王遣使賀平高麗使者言王姓阿母氏初
主號天御中主至彥瀨凡三十二世皆以尊爲號
居筑紫城彥瀨子神武更號天皇徙居大和城國
近日所出故稱日本或云國王惡倭奴名而改耳
日本乃海島小國爲倭所併故冒其號使者不以
實告又妄誇其國方數千里云

瀨良冉切音歛
筑張六切音竹

西域傳

賓就 高霸黎

東女國一曰蘓伐刺拏瞿咀羅國羗別種也西海
有女國故稱東以別之女王號賓就華言主也
曰高霸黎華言宰相也國以十一月爲歲首武后
封其王爲歸昌王其後乃以男子爲王

阿摩支

疏勒一名佉沙王姓裴氏自號阿摩支猶言可汗
也居伽師城北史疏作踈佉音吐

沙磧鼠

于闐漢書作于寘一曰瞿薩旦那一曰渙那一曰
屈丹北狄稱曰干遁諸胡稱曰豁旦王居西山城

國西有沙磧鼠大如蝟色類金出入群鼠爲從
摩伽陀

天竺漢身毒也一名摩伽陀地方三萬里分東西
南北中五天竺各有城邑數百南天竺濱海北天
竺依雪山東天竺亦濱海西天竺與罽賓波斯接
中天竺在四天竺之會都城曰茶罽和羅城濱迦
毗黎河有別城數百皆置長別國數十皆置王舍
衛王其一也開戶皆東嚮中天竺王姓乞利啞氏
亦曰利利氏有文字善步曆學悉曇章等韻耳安

曰梵天法以欺人

禡特

鼠名貞觀十六年罽賓獻禡特鼠喙尖尾赤能食
蛇有被蛇螫者嗅且鼠瘡即愈

柘羯

柘之夜
切音蔗

康國一曰薩末鞬一曰颯秣郎元魏所謂悉萬斤
者初居祁連北昭武城爲突厥所破南依葱嶺分
爲九姓皆以昭武爲氏不忘本也九姓其一爲安
國即元魏所謂忸蜜者大城四十小城千餘募勇

健以為柘羯柘羯者華言戰士也

吐火羅

挹怛切音割

吐火羅一曰吐豁羅一曰覲貨邏即元魏所謂吐

呼羅者居葱嶺西與挹怛雜處其首號葉護神龍

元年冊封其首骨咄祿頓達度為吐火羅葉護挹

怛王真挹怛國本漢大月氏之種大月氏為烏

孫所奪西擊大夏而居之大夏即吐火羅也王姓

噉達後裔以姓為國訛為挹怛

駝鳥

永徽元年吐火羅獻大鳥高七尺色黑足類駝俗

呼駝鳥

師子

居西南海島中延袤二千餘里有稜伽山國人能

馴養師子因以名國

鶻莽

磨鄰一曰老勃薩其地無草木五穀飼馬以稿魚

人食鶻莽鶻莽者波斯棗也

尋支

末祿以五月為歲首國出尋支及顛葱尋支者大瓜也十人共食一瓜方可盡

南蠻傳

六詔

哀牢夷之後烏蠻別種也蠻謂王為詔其先渠帥有六號為六詔猶華言六王也六詔曰蒙嵩詔曰越析詔曰浪穹詔曰暹暎詔曰施浪詔曰蒙舍詔

嵩息委切音隨暹徒登切音騰又唐巨切音證暎以冉切音剡

南詔

六詔惟蒙舍詔在其南故號南詔一曰鶴拓一曰

龍尾一曰苴咩一曰陽劔時代居處不常故稱號

有異姓蒙氏都羊苴咩城別都曰善闡府苴七余切音起

咩彌靴切字無同音者或作迷爾切音米

元昶

南詔王坐東嚮其臣有所陳以狀言而不稱臣王

自稱曰元猶華言朕也謂其下曰昶猶華言卿也

爾也國人稱王母曰信麼一曰九麼稱王妃曰進

武信麼

清平 爽 託 覽 羽儀 筭

南詔官曰坦綽曰布燮曰久贊謂之清平官以理
國事猶中國宰相也曰首望曰正首望曰負外首
望曰大軍將員外者猶華言試官也曰幕爽主兵
曰琮爽主戶籍曰慈爽主禮曰罰爽主刑曰勸爽
主官人曰厥爽主工館曰萬爽主財用曰引爽主
客曰禾爽主商賈皆以清平官首望大將軍兼之
爽猶華言省也督爽總三省也曰乞託主馬曰祿
託主牛曰巨託主倉廩亦以清平官首望大將軍

兼之託猶華言部也曰爽酋曰彌勤曰勤齊掌賦
稅曰兵孺司掌機密曰演習者大府主將也其副
曰演覽曰繕裔者中府主將也其副曰繕覽曰澹
酋者下府主將也其副曰澹覽曰幕撫者小府主
將也其副曰幕覽覽猶華言丞也各府有陀酋有
陀西如中國經歷等職王左右有羽儀長八人清
平官見王不得佩劔惟羽儀官佩劔以爲親信有
六曹長曹長有功補大軍將大軍將十二與清平
官等列日議事于王所若出治軍壘則稱節度又

有內筭官佐王裁決外筭官記王所決事以付六

曹

儒汝朱切音儒
覽即紺切音監

驗

居奄切
音檢

蠻謂州為驗南詔有六節度二都督十驗六節度
在王都之外曰弄棟曰永昌曰銀生曰劔川曰柘
東曰麗水二都督曰會川曰通海十驗曰雲南驗
曰白崖驗亦稱勃美驗曰品澹驗曰邈川驗曰蒙
舍驗曰大釐驗亦稱史驗曰苴咩驗亦稱陽驗曰
蒙秦驗曰矣和驗曰趙川驗

佉苴

佉求加切音伽
羅苴子

南詔調發軍卒百家有總佐一人千家有治人官
一人萬家有都督一人以邑落遠近分四軍王親
兵曰朱弩佉苴佉苴者華言韋帶也又擇鄉兵為
羅苴子戴朱鞮鍪負犀革銅盾而跣走險如飛羅
苴者瞭望苴蠻也苴蠻在蘭蒼江西

貝覓

南詔以貝貿易貝大如指十六枚號為一覓猶一
串一索之義

瞑弓

永昌之西野桑生石上其材上屈兩向而下直取以為弓不筋漆而利名曰瞑弓

越睽駿

越睽之西多薦草產善馬始生若羔歲中紐莎縻之飲以米潘七年可馭日馳數百里世稱越睽駿

鶯闕

膾魚寸以胡瓜椒和之號為鶯闕

金波羅

南詔官自曹長以下皆繫金佉苴有功加錦又有功加金波羅波羅者華言虎皮也

大和城

蠻謂山坡陀為和開元時南詔皮邏閣逐河蠻取大和其地大山故名大和皮邏閣入朝封臺登郡王賜名歸義又冊為雲南王

贊普鍾

皮邏閣苑子閣羅鳳立臣于吐蕃吐蕃以為弟稱為贊普鍾羗夷謂弟為鍾也

夢湊

元和三年異牟尋苑子尋閣勸立國人稱爲夢湊猶華言新君也

陽蒲逋

林邑國王姓范氏國人呼王爲陽蒲逋王妻爲陀陽阿熊太子爲阿長逋宰相爲婆漫地貞觀時王頭黎苑子鎮龍立權臣弑鎮龍滅其宗范氏遂絕國人立頭黎女爲王女不能定國乃立頭黎姑子諸葛地爲王更號曰環王國

楊栗翼

翼市之切音時又杜奚切音提

盤盤國在南海曲王號楊栗翼其大臣曰敦郎索濫次曰崑崙帝也曰崑崙敦和曰崑崙敦諦索甘崑崙亦稱古龍聲相近外臣曰那延猶中國刺史也

貪

盤盤有佛與道士祠僧食肉不飲酒道士不飲酒不食肉俗呼道士曰貪

馬留人

環王南境有五銅柱漢馬援所立其地有西屠夷
蓋援還時留不去者皆姓馬氏俗以其漢人寓此
故彌馬留人

曷蜜多 駝牛豹 雩

室利佛逝國地東西千里南北四千里國人稱其
王曰曷蜜多地有橐駝豹文而犀角以乘且耕名
曰駝牛豹又有獸類野豕角如山羊名曰雩肉味
甘美用以饋王

突羅朱閣婆

驃國即古朱波國其王自號爲突羅朱閣婆國人
稱之曰徒里拙王姓困沒長名摩羅惹大臣曰摩
訶思那其屬國十六鎮城九部落二百九十八名
繁不載

奎伽陀

驃以金銀爲錢形如半月名爲奎伽陀一曰足彈
陀聲相近

夷曲名

西川節度使韋臯進夷中樂曲樂人分四部曲名

十有二臯以華言譯之更其名一曰沒馱彌更名
佛印驃人及天竺歌以事王也二曰隴莽第更名
讚婆羅花驃人以花為衣服能潔其身也三曰答
都更名白鵠美其飛止遂情也四曰蘇謾底哩更
名曰鶴游謂翔則摩空行則徐步也五曰乃來更
名聞羊勝昔有人見二羊鬪海岸強者勝驃人謂
之乃來乃來者勢勝也六曰彌思彌更名龍首獨
琴謂一絃而五音備象王一德以蓄萬邦也七曰
掣覽詩更名禪定謂離俗寂靜也八曰過思略更

名甘蔗王謂佛教民如蔗之甘皆悅其味也九曰
桃臺更名孔雀王謂毛采光華也十曰野鷺不更
名謂飛止必雙徒侶畢會也十一曰龕聰網摩更
名宴樂謂宴會嘉樂也十二曰扈那更名滌煩謂
洗除俗慮以適情也其樂工皆崑崙衣以絳氎朝
霞為蔽膝謂之祴襴哩力忌切音利龕苦咸切音
堪祴古得切音効襴陟里切

音止

兩變

自曲州靖州西南昆川曲軛普寧喻獻安寧距龍

和城謂之西爨白蠻自彌鹿升蠻二川南至步頭
謂之東爨烏蠻

三王蠻

在凌蠻西蓋徭都夷白馬氏部種也楊劉郝三姓
世為酋長襲封王故名

三濮

在雲南徼外曰文面濮曰赤口濮曰黑爨濮即濮
書百濮之種爨蒲北切音箇又符逼切音颺又吃逞切音戟

叛臣傳

軋犖山

犖歷各切音洛又呂角切音爨

安祿山柳城胡也本姓康氏母阿史德為覲居突
厥中無子禱于軋犖山軋犖山神虜所謂鬪戰神
者禱後有孕生子光照穹廬母以神所命遂字曰
軋犖山少孤隨母嫁虜將安延偃乃冒姓安更名

祿山

覲胡的切音檄女巫也

○五代史

唐本紀

朱邪

唐之先本彌朱邪部盖出于西突厥其後别自號曰沙陀而以朱邪為姓唐懿宗賜朱邪赤心姓名李國昌

鷓兒

李國昌子克用少驍勇軍中號曰李鷓兒其一目眇又號獨眼龍

邈佶烈佶巨乙切音吉

明宗本夷狄無姓氏父電生子曰邈佶烈克用養為子賜名嗣源

晋本紀

臬揆雞揆郎計切音隸

高祖敬瑭亦出夷狄無姓氏其父名臬揆雞至敬瑭始稱姓石氏不知所以得姓之由

漢本紀

操刺操七到切音造刺盧達切音粹

高祖姓劉氏初名知遠其先沙陀部人晋高祖使往契丹耶律德光指知遠曰此都軍甚操刺操刺者猶言猛烈也

四夷附錄

沒里

五代之際契丹最盛其居曰裊羅箇沒里裊羅箇地名沒里者河也在鮮卑故地裊奴烏切音孃

世里

契丹所居橫帳地名

契丹八部

契丹部族之大者曰大賀氏後分為八部一曰但利皆部二曰乙室活部三曰實活部四曰納尾部

五曰頰沒部六曰內會雞部七曰集解部八曰奚

盟部

奚五部

奚本匈奴之別種分為五部一曰阿蒼部二曰啜米部三曰粵質部四曰奴皆部五曰黑訖支部蒼烏音歲

外切音歲

諸史夷語音義卷之二終

諸史夾語音義卷之二終

